

ბორჯომის მუნიციპალიტეტის საკრებულოს

დადგენილება №23  
2024 წლის 24 დეკემბერი

ქ. ბორჯომი

ბორჯომის მუნიციპალიტეტში რეგისტრირებული წარმატებული ახალგაზრდების 2025 წლის ფინანსური დახმარების გაცემის წესის დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-4 პუნქტის, 24-ე მუხლის მე-2 პუნქტის, 61-ე მუხლის მე-2 პუნქტის და „ნორმატიული აქტების შესახებ“ საქართველოს ორგანული კანონის 25-ე მუხლის პირველი პუნქტის „ბ“ ქვეპუნქტის საფუძველზე, ბორჯომის მუნიციპალიტეტის საკრებულო ადგენს:

**მუხლი 1**

დამტკიცდეს ბორჯომის მუნიციპალიტეტში რეგისტრირებული სპორტის დარგში წარმატებული სპორტსმენებისა და მათი მწვრთნელების 2025 წლის ფინანსური დახმარების გაცემის წესი დანართი №1-ის შესაბამისად.

**მუხლი 2**

დამტკიცდეს ბორჯომის მუნიციპალიტეტში რეგისტრირებული მუსიკისა და ხელოვნების დარგში წარმატებული მოსწავლეებისა და მათი პედაგოგების 2025 წლის ფინანსური დახმარების გაცემის წესი დანართი №2-ის შესაბამისად.

**მუხლი 3**

დამტკიცდეს ბორჯომის მუნიციპალიტეტში რეგისტრირებული წარმატებული სტუდენტებისა და ერუდირებული ახალგაზრდების 2025 წლის ფინანსური დახმარების გაცემის წესი დანართი №3-ის შესაბამისად.

**მუხლი 4**

დადგენილების ამოქმედებისთანავე ძალადაკარგულად გამოცხადდეს ბორჯომის მუნიციპალიტეტის საკრებულოს 2023 წლის 22 დეკემბრის №44 დადგენილება ბორჯომის მუნიციპალიტეტში რეგისტრირებული წარმატებული ახალგაზრდების 2024 წლის ფინანსური დახმარების გაცემის წესის დამტკიცების შესახებ“ (www.matsne.gov.ge, 010250050.35.139.016536, 25/12/2023 წ).

**მუხლი 5**

დადგენილება ამოქმედდეს 2025 წლის 1 იანვრიდან და მისი მოქმედების ვადა განისაზღვროს 2025 წლის 31 დეკემბრის ჩათვლით.

ბორჯომის მუნიციპალიტეტის  
საკრებულოს თავმჯდომარე

დავით ზაალიშვილი

დანართი №1

ბორჯომის მუნიციპალიტეტში რეგისტრირებული სპორტის დარგში წარმატებული სპორტსმენებისა და მათი მწვრთნელების 2025 წლის ფინანსური დახმარების გაცემის წესი

თავი I

ზოგადი დებულებანი

**მუხლი 1. ფინანსური დახმარების გაცემის წესი და მიზანი**

1. ბორჯომის მუნიციპალიტეტში რეგისტრირებული სპორტის დარგში წარმატებული სპორტსმენებისა და მათი მწვრთნელების 2025 წლის ფინანსური დახმარების გაცემის წესი (შემდგომში – „წესი“) განსაზღვრავს ბორჯომში რეგისტრირებული და ბორჯომის სახელით მოასპარევე მაღალი სპორტული შედეგების მქონე სპორტსმენებზე და მათ მწვრთნელებზე ფინანსური დახმარების გაცემის პირობებსა და წესს.

2. წესის მიზანია სპორტის სხვადასხვა სახეობაში დაკავებული ბავშვების, ახალგაზრდებისა და მათი მწვრთნელების წახალისება და მოტივაციის ამაღლება ფინანსური დახმარების გაცემის გზით, რაც ხელს შეუწყობს ცხოვრების ჯანსაღი წესის პოპულარიზაციას.



3. ფინანსური დახმარება გაიცემა 2025 წელს სპორტის დარგში წარმატებულ სპორტსმენებსა და მათ მწვრთნელებზე.

4. დაფინანსება ხორციელდება ბორჯომის მუნიციპალიტეტის 2025 წლის ბიუჯეტის ქვეპროგრამის „ახალგაზრდობის ხელშეწყობა (დახმარება)“ (კოდი 05 02 06) ფარგლებში გამოყოფილი ასიგნებებიდან.

## თავი II

### ფინანსური დახმარების სამიზნე ჯგუფები და ფინანსური დახმარების ოდენობა

**მუხლი 2. საქართველოს ჩემპიონატზე საპრიზო ადგილის მფლობელი სპორტსმენების ფინანსური დახმარება ოლიმპიურ, არაოლიმპიურ სახეობებში და ქართულ ჭიდაობაში**

1. სპორტსმენს, რომელიც ასპარეზობს უფროსი ასაკის ჯგუფში და საქართველოს ჩემპიონატზე ოლიმპიურ სახეობაში დაიკავა საპრიზო ადგილი, გადაეცეს ფინანსური დახმარება შემდეგი ოდენობით:

ა) პირველი საპრიზო ადგილის დაკავების შემთხვევაში 1500 ლარი;

ბ) მეორე საპრიზო ადგილის დაკავების შემთხვევაში 1300 ლარი;

გ) მესამე საპრიზო ადგილის დაკავების შემთხვევაში 1100 ლარი.

2. სპორტსმენს, რომელიც ასპარეზობს უფროს ასაკამდე ჯგუფში – ახალგაზრდები 18 წლიდან 23 წლამდე და საქართველოს ჩემპიონატზე ოლიმპიურ სახეობაში დაიკავა საპრიზო ადგილი, გადაეცეს ფინანსური დახმარება შემდეგი ოდენობით:

ა) პირველი საპრიზო ადგილის დაკავების შემთხვევაში 1200 ლარი;

ბ) მეორე საპრიზო ადგილის დაკავების შემთხვევაში 1000 ლარი;

გ) მესამე საპრიზო ადგილის დაკავების შემთხვევაში 800 ლარი.

3. სპორტსმენს, რომელიც ასპარეზობს უფროს ასაკამდე ჯგუფში – ჭაბუკები 18 წლამდე და საქართველოს ჩემპიონატზე ოლიმპიურ სახეობაში დაიკავა საპრიზო ადგილი, გადაეცეს ერთჯერადი ფინანსური დახმარება შემდეგი ოდენობით:

ა) პირველი საპრიზო ადგილის დაკავების შემთხვევაში – 600 ლარი;

ბ) მეორე საპრიზო ადგილის დაკავების შემთხვევაში – 400 ლარი;

გ) მესამე საპრიზო ადგილის დაკავების შემთხვევაში – 200 ლარი.

4. სპორტსმენს, რომელიც ასპარეზობს უფროსი ასაკის ჯგუფში და საქართველოს ჩემპიონატზე არაოლიმპიურ სახეობაში დაიკავა პირველი ადგილი, გადაეცეს ერთჯერადი ფინანსური დახმარება 400 ლარის ოდენობით.

5. სპორტსმენს, რომელიც ასპარეზობს უფროს ასაკამდე ჯგუფში – ახალგაზრდები 18 წლიდან 23 წლამდე და საქართველოს ჩემპიონატზე არაოლიმპიურ სახეობაში დაიკავა პირველი ადგილი, გადაეცეს ერთჯერადი ფინანსური დახმარება 300 ლარის ოდენობით.

6. სპორტსმენს, რომელიც ასპარეზობს უფროს ასაკამდე ჯგუფში – ჭაბუკები 18 წლამდე და საქართველოს ჩემპიონატზე არაოლიმპიურ სახეობაში დაიკავა პირველი ადგილი, გადაეცეს ერთჯერადი ფინანსური დახმარება 200 ლარის ოდენობით.

7. სპორტსმენს, რომელიც ქართულ ჭიდაობაში მიიღებს „საქართველოს ფალავანის“ ტიტულს ან დაიკავებს საპრიზო ადგილს, გადაეცეს ერთჯერადი ფინანსური დახმარება შემდეგი ოდენობით:

ა) პირველი საპრიზო ადგილის დაკავების შემთხვევაში 1500 ლარი;



ბ) მეორე საპრიზო ადგილის დაკავების შემთხვევაში 1300 ლარი;

გ) მესამე საპრიზო ადგილის დაკავების შემთხვევაში 1100 ლარი.

### **მუხლი 3. საპრიზო ადგილის მფლობელი სპორტსმენების ფინანსური დახმარება ზამთრის სპორტის სახეობაში**

1. სპორტსმენს, რომელიც ასპარეზობს უფროსი ასაკის ჯგუფში და ზამთრის სახეობაში დაიკავა საპრიზო ადგილი, გადაეცეს ერთჯერადი ფინანსური დახმარება შემდეგი ოდენობით:

ა) პირველი საპრიზო ადგილის დაკავების შემთხვევაში 1500 ლარი;

ბ) მეორე საპრიზო ადგილის დაკავების შემთხვევაში 1300 ლარი;

გ) მესამე საპრიზო ადგილის დაკავების შემთხვევაში 1100 ლარი.

2. სპორტსმენს, რომელიც ასპარეზობს უფროს ასაკამდე ჯგუფში – ახალგაზრდები 18 წლიდან 23 წლამდე და ზამთრის სახეობაში დაიკავა საპრიზო ადგილი, გადაეცეს ერთჯერადი ფინანსური დახმარება შემდეგი ოდენობით:

ა) პირველი საპრიზო ადგილის დაკავების შემთხვევაში 1200 ლარი;

ბ) მეორე საპრიზო ადგილის დაკავების შემთხვევაში 1000 ლარი;

გ) მესამე საპრიზო ადგილის დაკავების შემთხვევაში 800 ლარი.

3. სპორტსმენს, რომელიც ასპარეზობს უფროს ასაკამდე ჯგუფში – ჭაბუკები 18 წლამდე და საქართველოს ჩემპიონატზე ოლიმპიურ სახეობაში დაიკავა საპრიზო ადგილი, გადაეცეს ერთჯერადი ფინანსური დახმარება შემდეგი ოდენობით:

ა) პირველი საპრიზო ადგილის დაკავების შემთხვევაში – 800 ლარი;

ბ) მეორე საპრიზო ადგილის დაკავების შემთხვევაში – 600 ლარი;

გ) მესამე საპრიზო ადგილის დაკავების შემთხვევაში – 400 ლარი.

### **მუხლი 4. გუნდურ სახეობებში საპრიზო ადგილის მფლობელი სპორტსმენის/გუნდის ფინანსური დახმარება**

1. ფეხბურთი – რეგიონის ჩემპიონატი (საქართველოს ფეხბურთის ფედერაციის ორგანიზებით) მოყვარულთა ფეხბურთში უფროსი ასაკის სპორტსმენებს შორის. საპრიზო ადგილის დაკავების შემთხვევაში ერთჯერადი ფინანსური დახმარება გადაეცეს გუნდს შემდეგი ოდენობით:

ა) პირველი საპრიზო ადგილის დაკავების შემთხვევაში 1500 ლარი;

ბ) მეორე საპრიზო ადგილის დაკავების შემთხვევაში 1000 ლარი;

გ) მესამე საპრიზო ადგილის დაკავების შემთხვევაში 500 ლარი.

2. ფეხბურთი – რეგიონალური საფეხბურთო ჩემპიონატი (საქართველოს ფეხბურთის ფედერაციის ორგანიზებით) 18 წლამდე ასაკის სპორტსმენებს შორის. საპრიზო ადგილის დაკავების შემთხვევაში

ერთჯერადი ფინანსური დახმარება გადაეცეს გუნდს შემდეგი ოდენობით:

ა) პირველი საპრიზო ადგილის დაკავების შემთხვევაში 1500 ლარი;

ბ) მეორე საპრიზო ადგილის დაკავების შემთხვევაში 1000 ლარი;

გ) მესამე საპრიზო ადგილის დაკავების შემთხვევაში 500 ლარი.

3. ფეხბურთი – საქართველოს ჩემპიონატი ან საქართველოს მასშტაბით გამართული სხვადასხვა



ჩემპიონატი 18 წლამდე ასაკის სპორტსმენებს შორის. საპრიზო ადგილის დაკავების შემთხვევაში ერთჯერადი ფინანსური დახმარება გადაეცეს გუნდს შემდეგი ოდენობით:

- ა) პირველი საპრიზო ადგილის დაკავების შემთხვევაში 5000 ლარი;
- ბ) მეორე საპრიზო ადგილის დაკავების შემთხვევაში 4000 ლარი;
- გ) მესამე საპრიზო ადგილის დაკავების შემთხვევაში 3000 ლარი.

4. კალათბურთი – საქართველოს პირველობა კალათბურთში ან საქართველოს მასშტაბით გამართული სხვადასხვა ჩემპიონატი 18 წლამდე ასაკის სპორტსმენებს შორის. საპრიზო ადგილის დაკავების შემთხვევაში ერთჯერადი ფინანსური დახმარება გადაეცეს გუნდს შემდეგი ოდენობით:

- ა) პირველი საპრიზო ადგილის დაკავების შემთხვევაში 1500 ლარი;
- ბ) მეორე საპრიზო ადგილის დაკავების შემთხვევაში 1000 ლარი;
- გ) მესამე საპრიზო ადგილის დაკავების შემთხვევაში 500 ლარი.

5. რაგბი – საქართველოს მასშტაბით გამართული სხვადასხვა ჩემპიონატი 18 წლამდე ასაკის სპორტსმენებს შორის. საპრიზო ადგილის დაკავების შემთხვევაში ერთჯერადი ფინანსური დახმარება გადაეცეს გუნდს შემდეგი ოდენობით:

- ა) პირველი საპრიზო ადგილის დაკავების შემთხვევაში 1500 ლარი;
- ბ) მეორე საპრიზო ადგილის დაკავების შემთხვევაში 1000 ლარი;
- გ) მესამე საპრიზო ადგილის დაკავების შემთხვევაში 500 ლარი.

6. ბორჯომის მუნიციპალიტეტის მიერ ორგანიზებული, ბორჯომის მუნიციპალიტეტის ტერიტორიაზე გამართული (რესპუბლიკური, საერთაშორისო) ჩემპიონატები 18 წლამდე და 18-დან 23 წლამდე ასაკის სპორტსმენებს შორის. სპორტსმენის მიერ საპრიზო ადგილის დაკავების შემთხვევაში ერთჯერადი ფინანსური დახმარება გადაეცეს შემდეგი ოდენობით:

- ა) პირველი საპრიზო ადგილის დაკავების შემთხვევაში 400 ლარი;
- ბ) მეორე საპრიზო ადგილის დაკავების შემთხვევაში 300 ლარი;
- გ) მესამე საპრიზო ადგილის დაკავების შემთხვევაში 200 ლარი.

7. ბორჯომის მუნიციპალიტეტის მიერ ორგანიზებული, ბორჯომის მუნიციპალიტეტის ტერიტორიაზე გამართული (რესპუბლიკური, საერთაშორისო) ჩემპიონატები 18 წლამდე და 18-დან 23 წლამდე ასაკით დაკომპლექტებულ გუნდებს შორის. გუნდის მიერ საპრიზო ადგილის დაკავების შემთხვევაში ერთჯერადი ფინანსური დახმარება გადაეცეს გუნდს შემდეგი ოდენობით:

- ა) პირველი საპრიზო ადგილის დაკავების შემთხვევაში 1000 ლარი;
- ბ) მეორე საპრიზო ადგილის დაკავების შემთხვევაში 800 ლარი;
- გ) მესამე საპრიზო ადგილის დაკავების შემთხვევაში 600 ლარი.

## **მუხლი 5. ჭადრაკის ტურნირების საქართველოს პირველობაზე საპრიზო ადგილზე გასული და თანრიგის მქონე პირების ფინანსური დახმარება**

1. ჭადრაკის ტურნირი – „საქართველოს პირველობა“. უფროსი ასაკის ჯგუფში მოასპარეზე სპორტსმენებს, რომლებმაც დაიკავეს საპრიზო ადგილები, გადაეცეთ ერთჯერადი ფინანსური დახმარება შემდეგი ოდენობით:

- ა) პირველი საპრიზო ადგილის დაკავების შემთხვევაში 1500 ლარი;



ბ) მეორე საპრიზო ადგილის დაკავების შემთხვევაში 1300 ლარი;

გ) მესამე საპრიზო ადგილის დაკავების შემთხვევაში 1100 ლარი.

2. ჭადრაკის ტურნირი – „საქართველოს პირველობა“, უფროს ასაკამდე ჯგუფში მოასპარეზე სპორტსმენებს – ახალგაზრდები 18 წლიდან 23 წლამდე, რომლებმაც დაიკავეს საპრიზო ადგილები, გადაეცეთ ერთჯერადი ფინანსური დახმარება შემდეგი ოდენობით:

ა) პირველი საპრიზო ადგილის დაკავების შემთხვევაში 1200 ლარი;

ბ) მეორე საპრიზო ადგილის დაკავების შემთხვევაში 1000 ლარი;

გ) მესამე საპრიზო ადგილის დაკავების შემთხვევაში 800 ლარი.

3. ჭადრაკის ტურნირი – „საქართველოს პირველობა“, სასკოლო ასაკის ჯგუფში მოასპარეზე სპორტსმენებს – 18 წლამდე, რომლებმაც დაიკავეს საპრიზო ადგილები, გადაეცეთ ერთჯერადი ფინანსური დახმარება შემდეგი ოდენობით:

ა) პირველი საპრიზო ადგილის დაკავების შემთხვევაში – 800 ლარი

ბ) მეორე საპრიზო ადგილის დაკავების შემთხვევაში – 600 ლარი;

გ) მესამე საპრიზო ადგილის დაკავების შემთხვევაში – 400 ლარი.

4. სასკოლო ასაკის ჯგუფში მოასპარეზე მოსწავლეებს, რომლებმაც მოიპოვეს თანრიგი, წახალისების მიზნით გადაეცეთ ერთჯერადი ფინანსური დახმარება შემდეგი ოდენობით; V თანრიგი – 50 ლარი; IV თანრიგი – 100 ლარი; III თანრიგი – 150 ლარი; II თანრიგი – 200 ლარი და I თანრიგი 300 ლარი.

5. ამ მუხლით განსაზღვრული სპორტის სახეობაში ერთი სპორტსმენის მიერ სპორტის ერთსა და იმავე სახეობაში ერთი ან მეტი პირველი/საპრიზო ადგილის დაკავების შემთხვევაში, სპორტსმენს გადაეცეს ერთი სრული ფინანსური დახმარება და დანარჩენის შემთხვევაში სრული ფინანსური დახმარების ოდენობის 20 %.

**მუხლი 6. მაღალი სპორტული შედეგების მქონე სპორტსმენების მწვრთნელების ფინანსური დახმარება**

1. მწვრთნელებს, რომელთა სპორტსმენებმაც წარმატებით იასპარეზეს ქვეყნის მასშტაბით გამართულ სპორტულ შეჯიბრებებზე და დაიკავეს საპრიზო ადგილები, გადაეცეთ ფინანსური დახმარება სპორტსმენებისთვის განსაზღვრული ფინანსური დახმარების 80% ოდენობით.

2. ფინანსური დახმარება გადაეცემათ მხოლოდ იმ მწვრთნელებს, რომლებიც სასწავლო-საწვრთნელ საქმიანობას ახორციელებენ ბორჯომის მუნიციპალიტეტის მიერ დაფუძნებულ არასამეწარმეო (არაკომერციულ) იურიდიულ პირებში.

3. საქართველოს ჩემპიონატში ერთი მწვრთნელის რამდენიმე სპორტსმენის ან ერთი სპორტსმენის მიერ სპორტის ერთსა და იმავე სახეობაში ერთზე მეტი გამარჯვების მოპოვების შემთხვევაში, მწვრთნელს გადაეცეს ერთი სრული ფინანსური დახმარება და დანარჩენ შემთხვევაში სრული ფინანსური დახმარების 20 %.

4. ანაზღაურება მოხდება უნაღდო ანგარიშსწორების ფორმით პირად საბანკო ანგარიშზე.

### თავი III

**პროგრამის ადმინისტრირება, ანგარიშსწორების წესი  
და ფინანსური დახმარების მისაღებად წარმოსადგენი დოკუმენტაცია**

**მუხლი 7. ფინანსური დახმარების მისაღებად წარმოსადგენი დოკუმენტაცია**

1. საპრიზო ადგილზე გასული სპორტსმენისა და მისი მწვრთნელის წახალისების მიზნით ფინანსური



დახმარება გაიცემა ერთჯერადად.

2. სპორტსმენებისა და მათი მწვრთნელების მიერ წარმოსადგენი დოკუმენტაცია:

ა) განცხადება მუნიციპალიტეტის მერის სახელზე, რომელიც უნდა წარმოადგინოს სპორტსმენმა და/ან ბორჯომის მუნიციპალიტეტის მიერ დაფუძნებულმა არასამეწარმეო (არაკომერციულმა) იურიდიულმა პირმა და/ან ჩემპიონატის განმახორციელებელმა ორგანიზაციამ.

ბ) სპორტსმენის/მწვრთნელის პირადობის დამადასტურებელი მოწმობის ასლი;

გ) ჩემპიონატში საპრიზო ადგილის დაკავების დამადასტურებელი დოკუმენტი;

დ) სპორტსმენის/მწვრთნელის პირადი ანგარიში – საბანკო რეკვიზიტები. არასრულწლოვნის შემთხვევაში სპორტსმენის მშობლის/კანონიერი წარმომადგენლის საბანკო რეკვიზიტები და არასრულწლოვნის დაბადების მოწმობა ან კანონიერი წარმომადგენლის უფლებამოსილების დამადასტურებელი დოკუმენტი;

ე) სამსახურებრივი ცნობა მწვრთნელის მიერ ბორჯომის მუნიციპალიტეტის მიერ დაფუძნებულ არასამეწარმეო (არაკომერციულ) იურიდიულ პირში საქმიანობის განხორციელების შესახებ;

ვ) ამონაწერი განცხადების შემოტანის მომენტისათვის ბოლო 6 თვის განმავლობაში სპორტსმენის ბორჯომის მუნიციპალიტეტში რეგისტრაციის შესახებ; იძულებით გადაადგილებულ პირთა შემთხვევაში: „იძულებით გადაადგილებული პირის – დევნილის მოწმობა“, რომლის თანახმად რეგისტრირებულია ბორჯომის მუნიციპალიტეტში;

ზ) მინდობილობა, საჭიროების შემთხვევაში.

3. ანაზღაურება მოხდება უნაღდო ანგარიშსწორების ფორმით პირად საბანკო ანგარიშზე.

4. განცხადება წარმოდგენილ უნდა იქნეს ფინანსური დახმარების გაცემის საფუძვლის დადგომიდან 3 თვის ვადაში. ვადის დარღვევით წარმოდგენილი განცხადება არ განიხილება.

### **მუხლი 8. ფინანსური დახმარების გაცემის საგამონაკლისო წესი**

მაღალი სპორტული შედეგების მქონე სპორტსმენებსა და მათ მწვრთნელებზე ფინანსური დახმარება გაიცემა იმ შემთხვევაშიც, თუკი დადგენილებით განსაზღვრული ფინანსური დახმარების გაცემის საფუძველი დადგა მიმდინარე წლის დეკემბრის თვეში, ხოლო მერის ინდივიდუალური ადმინისტრაციულ-სამართლებრივი აქტი (ბრძანება) ფინანსური დახმარების გაცემის შესახებ მიღებულია მომდევნო საბიუჯეტო წელს. ამ შემთხვევაში, ფინანსური დახმარება გაიცემა მომდევნო წლის ბიუჯეტიდან შესაბამისი ქვეპროგრამის ფარგლებში (არსებობის შემთხვევაში).

### **მუხლი 9. პროგრამის განხორციელება და ადმინისტრირება**

1. პროგრამის განხორციელებაზე და ადმინისტრირებაზე პასუხისმგებელია ბორჯომის მუნიციპალიტეტის მერიის ადმინისტრაციული სამსახური.

2. საპრიზო ადგილზე გასული სპორტსმენების და მათი მწვრთნელების წახალისება ფინანსური დახმარების გაცემის გზით განხორციელდება მუნიციპალიტეტის მერის ინდივიდუალური ადმინისტრაციულ-სამართლებრივი აქტით (ბრძანებით), პროგრამის განხორციელებაზე და ადმინისტრირებაზე პასუხისმგებელი სამსახურის მიერ წარდგენილი მოხსენებითი ბარათისა და მე-7 მუხლის მე-2 პუნქტით განსაზღვრული დოკუმენტაციის საფუძველზე.

დანართი N2

**ბორჯომის მუნიციპალიტეტში რეგისტრირებული მუსიკისა და ხელოვნების დარგში წარმატებული მოსწავლეების და მათი პედაგოგების 2025 წლის ფინანსური დახმარების გაცემის წესი**

თავი I

**ზოგადი დებულებანი**

**მუხლი 1. ფინანსური დახმარების გაცემის წესი და მიზანი**



1. ბორჯომის მუნიციპალიტეტში რეგისტრირებული მუსიკისა და ხელოვნების დარგში წარმატებული მოსწავლეებისა და მათი პედაგოგების 2025 წლის ფინანსური დახმარების გაცემის წესი (შემდგომში – „წესი“) განსაზღვრავს, მუსიკისა და ხელოვნების დარგში გამართულ კონკურსებსა და ფესტივალებზე გამარჯვებულ/საპრიზო ადგილის მფლობელ ბორჯომის მუნიციპალიტეტში რეგისტრირებულ მოსწავლეებსა და მათ პედაგოგებზე ფინანსური დახმარების გაცემის პირობებსა და წესს.
2. წესის მიზანია წარმატებული მოსწავლეების (2025 წელს გამართულ კონკურსებსა და ფესტივალებზე გამარჯვებული/საპრიზო ადგილის მფლობელი) და მათი პედაგოგების წახალისება და ხელშეწყობა ფინანსური დახმარების გაცემის გზით.
3. დაფინანსება ხორციელდება ბორჯომის მუნიციპალიტეტის 2025 წლის ბიუჯეტის ქვეპროგრამის „ახალგაზრდობის ხელშეწყობა (დახმარება)“ (კოდი 05 02 06) ფარგლებში გამოყოფილი ასიგნებებიდან.

## თავი II

### ფინანსური დახმარების სამიზნე ჯგუფები და ფინანსური დახმარების ოდენობა

მუხლი 2. მუსიკალური გუნდების, ცეკვის ანსამბლების და ინდივიდუალური (სოლო) შემსრულებლების ფინანსური დახმარება უმცროსი ასაკის მოსწავლეებისგან დაკომპლექტებულ მუსიკალურ გუნდებს, ცეკვის ანსამბლებს, ასევე ინდივიდუალურ (სოლო) შემსრულებლებს, რომლებმაც სახელმწიფო უწყებების (კულტურისა და სპორტის სამინისტრო, ან სამინისტროს მიერ დაფუძნებული საჯარო სამართლის იურიდიული პირი) მიერ ორგანიზებულ და/ან მათ მიერ მხარდაჭერილ ეროვნულ და საერთაშორისო კონკურსებზე დაიკავეს საპრიზო ადგილი, ერთჯერადი ფინანსური დახმარება გადაეცეთ შემდეგი ოდენობით:

ა) მუსიკალურ გუნდს ან ცეკვის ანსამბლს, რომელმაც საქართველოში გამართულ ეროვნულ კონკურსზე დაიკავა საპრიზო ადგილი, გადაეცეს ერთჯერადი ფინანსური დახმარება შემდეგი ოდენობით:

ა.ა) გრან-პრი 800 ლარი;

ა.ბ) პირველი საპრიზო ადგილის დაკავების შემთხვევაში 700 ლარი;

ა.გ) მეორე საპრიზო ადგილის დაკავების შემთხვევაში 600 ლარი;

ა.დ) მესამე საპრიზო ადგილის დაკავების შემთხვევაში 500 ლარი;

ბ) მუსიკალურ გუნდს ან ცეკვის ანსამბლს, რომელმაც საქართველოში გამართულ საერთაშორისო კონკურსზე დაიკავა საპრიზო ადგილი, გადაეცეს ერთჯერადი ფინანსური დახმარება შემდეგი ოდენობით:

ბ.ა) გრან-პრი 1000 ლარი;

ბ.ბ) პირველი საპრიზო ადგილის დაკავების შემთხვევაში 900 ლარი;

ბ.გ) მეორე საპრიზო ადგილის დაკავების შემთხვევაში 800 ლარი;

ბ.დ) მესამე საპრიზო ადგილის დაკავების შემთხვევაში 700 ლარი;

გ) მუსიკალურ გუნდს ან ცეკვის ანსამბლს, რომელმაც საზღვარგარეთ გამართულ საერთაშორისო კონკურსზე დაიკავა საპრიზო ადგილი, გადაეცეს ერთჯერადი ფინანსური დახმარება შემდეგი ოდენობით:

გ.ა) გრან-პრი 1200 ლარი;

გ.ბ) პირველი საპრიზო ადგილის დაკავების შემთხვევაში 1000 ლარი;

გ.გ) მეორე საპრიზო ადგილის დაკავების შემთხვევაში 900 ლარი;

გ.დ) მესამე საპრიზო ადგილის დაკავების შემთხვევაში 800 ლარი;



დ) ინდივიდუალურ (სოლო) შემსრულებელს (სიმღერა, ცეკვა), რომელმაც საქართველოში გამართულ ეროვნულ კონკურსზე დაიკავა საპრიზო ადგილი, გადაეცეს ერთჯერადი ფინანსური დახმარება შემდეგი ოდენობით:

დ.ა) გრან-პრი 400 ლარი;

დ.ბ) პირველი საპრიზო ადგილის დაკავების შემთხვევაში 300 ლარი;

დ.გ) მეორე საპრიზო ადგილის დაკავების შემთხვევაში 200 ლარი;

დ.დ) მესამე საპრიზო ადგილის დაკავების შემთხვევაში 100 ლარი;

ე) ინდივიდუალურ (სოლო) შემსრულებელს (სიმღერა, ცეკვა), რომელმაც საქართველოში გამართულ საერთაშორისო კონკურსზე დაიკავა საპრიზო ადგილი, გადაეცეს ერთჯერადი ფინანსური დახმარება შემდეგი ოდენობით:

ე.ა) გრან-პრი 500 ლარი;

ე.ბ) პირველი საპრიზო ადგილის დაკავების შემთხვევაში 400 ლარი;

ე.გ) მეორე საპრიზო ადგილის დაკავების შემთხვევაში 300 ლარი;

ე.დ) მესამე საპრიზო ადგილის დაკავების შემთხვევაში 200 ლარი;

ვ) ინდივიდუალურ (სოლო) შემსრულებელს (სიმღერა, ცეკვა), რომელმაც საზღვარგარეთ გამართულ საერთაშორისო კონკურსზე დაიკავა საპრიზო ადგილი, გადაეცეს ერთჯერადი ფინანსური დახმარება შემდეგი ოდენობით:

ვ.ა) გრან-პრი 600 ლარი;

ვ.ბ) პირველი საპრიზო ადგილის დაკავების შემთხვევაში 500 ლარი;

ვ.გ) მეორე საპრიზო ადგილის დაკავების შემთხვევაში 400 ლარი;

ვ.დ) მესამე საპრიზო ადგილის დაკავების შემთხვევაში 300 ლარი.

### **მუხლი 3. მუსიკოს-შემსრულებელთა ფინანსური დახმარება**

1. მუსიკოს-შემსრულებლებს, რომლებმაც საქართველოში გამართულ ეროვნულ კონკურსზე დაიკავეს საპრიზო ადგილი, გადაეცეთ ერთჯერადი ფინანსური დახმარება შემდეგი ოდენობით:

ა) გრან-პრი 400 ლარი;

ბ) პირველი საპრიზო ადგილის დაკავების შემთხვევაში 300 ლარი;

გ) მეორე საპრიზო ადგილის დაკავების შემთხვევაში 200 ლარი;

დ) მესამე საპრიზო ადგილის დაკავების შემთხვევაში 100 ლარი.

2. მუსიკოს-შემსრულებლებს, რომლებმაც საქართველოში გამართულ საერთაშორისო კონკურსზე დაიკავეს საპრიზო ადგილი, გადაეცეთ ერთჯერადი ფინანსური დახმარება შემდეგი ოდენობით:

ა) გრან-პრი 500 ლარი;

ბ) პირველი საპრიზო ადგილის დაკავების შემთხვევაში 400 ლარი;

გ) მეორე საპრიზო ადგილის დაკავების შემთხვევაში 300 ლარი;

დ) მესამე საპრიზო ადგილის დაკავების შემთხვევაში 200 ლარი.





3. მუსიკოს-შემსრულებლებს, რომლებმაც საქართველოს ფარგლებს გარეთ გამართულ საერთაშორისო კონკურსზე დაიკავეს საპრიზო ადგილი, გადაეცეთ ერთჯერადი ფინანსური დახმარება შემდეგი ოდენობით:

- ა) გრან-პრი 600 ლარი;
- ბ) პირველი საპრიზო ადგილის დაკავების შემთხვევაში 500 ლარი;
- გ) მეორე საპრიზო ადგილის დაკავების შემთხვევაში 400 ლარი;
- დ) მესამე საპრიზო ადგილის დაკავების შემთხვევაში 300 ლარი.

4. მუსიკალური ანსამბლის მიერ საპრიზო ადგილის დაკავების შემთხვევაში პრიზი იყოფა ანსამბლის ყველა წევრზე თანაბრად.

**მუხლი 4. ხელოვნების სხვადასხვა სფეროში მოღვაწე მოსწავლე-ახალგაზრდების ფინანსური დახმარება**

1. ხელოვნების სხვადასხვა სფეროში მოღვაწე მოსწავლე-ახალგაზრდებს, რომლებმაც საქართველოში გამართულ ეროვნულ კონკურს-ფესტივალზე დაიკავეს საპრიზო ადგილი, გადაეცეთ ერთჯერადი ფინანსური დახმარება შემდეგი ოდენობით:

- ა) პირველი საპრიზო ადგილის დაკავების შემთხვევაში 300 ლარი;
- ბ) მეორე საპრიზო ადგილის დაკავების შემთხვევაში 200 ლარი;
- გ) მესამე საპრიზო ადგილის დაკავების შემთხვევაში 100 ლარი.

2. ხელოვნების სხვადასხვა სფეროში მოღვაწე მოსწავლე-ახალგაზრდებს, რომლებმაც საქართველოში გამართულ საერთაშორისო კონკურს-ფესტივალზე დაიკავეს საპრიზო ადგილი, გადაეცეთ ერთჯერადი ფინანსური დახმარება შემდეგი ოდენობით:

- ა) პირველი საპრიზო ადგილის დაკავების შემთხვევაში 400 ლარი;
- ბ) მეორე საპრიზო ადგილის დაკავების შემთხვევაში 300 ლარი;
- გ) მესამე საპრიზო ადგილის დაკავების შემთხვევაში 200 ლარი.

3. ხელოვნების სხვადასხვა სფეროში მოღვაწე მოსწავლე-ახალგაზრდებს, რომლებმაც საზღვარგარეთ გამართულ საერთაშორისო კონკურს-ფესტივალზე დაიკავეს საპრიზო ადგილი, გადაეცეთ ერთჯერადი ფინანსური დახმარება შემდეგი ოდენობით:

- ა) პირველი საპრიზო ადგილის დაკავების შემთხვევაში 500 ლარი;
- ბ) მეორე საპრიზო ადგილის დაკავების შემთხვევაში 400 ლარი;
- გ) მესამე საპრიზო ადგილის დაკავების შემთხვევაში 300 ლარი.

**მუხლი 5. ხელოვნებისა და მუსიკის დარგში მოღვაწე პედაგოგების ფინანსური დახმარება**

1. პედაგოგს/ქორეოგრაფს, რომლის მოსწავლეს/მოსწავლეებზეც გახდება/გახდებიან პრიზიორები, როგორც საქართველოში გამართულ, ასევე საერთაშორისო კონკურსებზე და ფესტივალებზე, გადაეცეთ ფინანსური დახმარება მონაწილისათვის განსაზღვრული ფინანსური დახმარების 80% ოდენობით.

2. ფინანსური დახმარება გადაეცემათ მხოლოდ იმ პედაგოგებს, რომლებიც საქმიანობას ახორციელებენ ბორჯომის მუნიციპალიტეტის მიერ დაფუძნებულ არასამეწარმეო (არაკომერციულ) იურიდიულ პირებში და რომელთა მიერ მომზადებულმა ბორჯომის მუნიციპალიტეტში რეგისტრირებულმა მოსწავლე-ახალგაზრდებმა დაიკავეს როგორც ქვეყნის მასშტაბით, ასევე საერთაშორისო კონკურსებზე და ფესტივალებზე დადგენილებით განსაზღვრული საპრიზო ადგილები.



3. პედაგოგს/ქორეოგრაფს რომლის მოსწავლემაც ერთსა და იმავე ეროვნულ ან საერთაშორისო კონკურსზე დაიკავა ერთზე მეტი საპრიზო ადგილი, გადაეცეს ერთი სრული ფინანსური დახმარება და დანარჩენ შემთხვევაში სრული ფინანსური დახმარების 20%.

### თავი III

## პროგრამის ადმინისტრირება, ანგარიშსწორების წესი და ფინანსური დახმარების მისაღებად წარმოსადგენი დოკუმენტაცია

### მუხლი 6. ფინანსური დახმარების მისაღებად წარმოსადგენი დოკუმენტაცია

1. მუსიკისა და ხელოვნების დარგში წარმატებული მოსწავლეების, მათი პედაგოგების წახალისების მიზნით ფინანსური დახმარება გაიცემა ერთჯერადად.  
2. მუსიკისა და ხელოვნების დარგში წარმატებული მოსწავლეებისა და მათი პედაგოგების მიერ წარმოსადგენი დოკუმენტაცია:

ა) განცხადება მუნიციპალიტეტის მერის სახელზე, რომელიც უნდა წარმოადგინოს ბორჯომის მუნიციპალიტეტის მიერ დაფუძნებულმა არასამეწარმეო (არაკომერციულმა) იურიდიულმა პირმა ბორჯომის ზაქარია ფალიაშვილის სახელობის სკოლისგარეშე სამუსიკო სკოლამ და/ან კონკურსის/ფესტივალის განმახორციელებელმა ორგანიზაციამ;

ბ) მოსწავლის/პედაგოგის პირადობის დამადასტურებელი მოწმობა;

გ) ჩემპიონატში, ფესტივალებზე და კონკურსებზე საპრიზო ადგილის დაკავების დამადასტურებელი დოკუმენტი;

დ) მოსწავლის/პედაგოგის პირადი ანგარიში – საბანკო რეკვიზიტები. არასრულწლოვნის შემთხვევაში მოსწავლის მშობლის/კანონიერი წარმომადგენლის საბანკო რეკვიზიტები და არასრულწლოვნის დაბადების მოწმობა ან კანონიერი წარმომადგენლის უფლებამოსილების დამადასტურებელი დოკუმენტი;

ე) სამსახურებრივი ცნობა პედაგოგის მიერ ბორჯომის მუნიციპალიტეტის მიერ დაფუძნებულ არასამეწარმეო (არაკომერციულ) იურიდიულ პირში საქმიანობის განხორციელების შესახებ;

ვ) ამონაწერი ჩემპიონატში/ფესტივალებზე/კონკურსებზე განცხადების შემოტანის მომენტისათვის ბოლო 6 თვის განმავლობაში მოსწავლის ბორჯომის მუნიციპალიტეტში რეგისტრაციის შესახებ; იძულებით გადაადგილებულ პირთა შემთხვევაში: „იძულებით გადაადგილებული პირის – დევნილის მოწმობა“, რომლის თანახმად რეგისტრირებულია ბორჯომის მუნიციპალიტეტში;

ზ) მინდობილობა, საჭიროების შემთხვევაში.

3. ანაზღაურება მოხდება უნაღდო ანგარიშსწორების ფორმით პირად საბანკო ანგარიშზე.

4. განცხადება წარმოდგენილი უნდა იქნეს ფინანსური დახმარების გაცემის საფუძვლის დადგომიდან 3 თვის ვადაში. ვადის დარღვევით წარმოდგენილი განცხადება არ განიხილება.

### მუხლი 7. ფინანსური დახმარების გაცემის საგამონაკლისო წესი

მოსწავლე-ახალგაზრდებსა და მათ პედაგოგებზე ფინანსური დახმარება გაიცემა იმ შემთხვევაშიც, თუკი დადგენილებით განსაზღვრული ფინანსური დახმარების გაცემის საფუძველი დადგა მიმდინარე წლის დეკემბრის თვეში, ხოლო მერის ინდივიდუალური ადმინისტრაციულ-სამართლებრივი აქტი (ბრძანება) ფინანსური დახმარების გაცემის შესახებ მიღებულია მომდევნო საბიუჯეტო წელს. ამ შემთხვევაში, ფინანსური დახმარება გაიცემა მომდევნო წლის ბიუჯეტიდან შესაბამისი ქვეპროგრამის ფარგლებში (არსებობის შემთხვევაში).

### მუხლი 8. პროგრამის განხორციელება და ადმინისტრირება

1. პროგრამის განხორციელებაზე და ადმინისტრირებაზე პასუხისმგებელია ბორჯომის მუნიციპალიტეტის მერიის ადმინისტრაციული სამსახური.



2. განათლების, მუსიკისა და ხელოვნების დარგში წარმატებული მოსწავლეების და მათი პედაგოგების წახალისება ფინანსური დახმარების გაცემის გზით განხორციელდება მუნიციპალიტეტის მერის ინდივიდუალური ადმინისტრაციულ-სამართლებრივი აქტით (ბრძანებით), პროგრამის განხორციელებაზე და ადმინისტრირებაზე პასუხისმგებელი სამსახურის მიერ წარდგენილი მოხსენებითი ბარათისა და მე-6 მუხლის მე-2 პუნქტით განსაზღვრული დოკუმენტაციის საფუძველზე.

დანართი N3

## ბორჯომის მუნიციპალიტეტში რეგისტრირებული წარმატებული სტუდენტების და ერუდირებული ახალგაზრდების 2025 წლის ფინანსური დახმარების გაცემის წესი

### თავი I ზოგადი დებულებანი

#### მუხლი 1. ფინანსური დახმარების გაცემის წესი და მიზანი

1. ბორჯომის მუნიციპალიტეტში რეგისტრირებული წარმატებული სტუდენტებისა და ერუდირებული ახალგაზრდების 2025 წლის ფინანსური დახმარების გაცემის წესი (შემდგომში – „წესი“) განსაზღვრავს, საქართველოს უმაღლეს საგანმანათლებლო დაწესებულებების წარმატებულ სტუდენტებზე, ერთიანი ეროვნული გამოცდების საფუძველზე სახელმწიფო სასწავლო გრანტის მფლობელ ახალგაზრდებზე ფინანსური დახმარების გაცემის წესს.
2. წესის მიზანია სწავლაზე ორიენტირებული, მოტივირებული და წარმატებული სტუდენტების (ბაკალავრი) და ერუდირებული ახალგაზრდების წახალისება ფინანსური დახმარების გაცემის გზით.
3. დაფინანსება ხორციელდება ბორჯომის მუნიციპალიტეტის 2025 წლის ბიუჯეტის ქვეპროგრამის „ახალგაზრდობის ხელშეწყობა (დახმარება)“ (კოდი 05 02 06) ფარგლებში გამოყოფილი ასიგნებებიდან.

#### მუხლი 2. ტერმინთა განმარტება

ამ წესში გამოყენებულ ტერმინებს აქვთ შემდეგი მნიშვნელობა:

- ა) უმაღლესი სასწავლებელი – საქართველოს ტერიტორიაზე მოქმედი უმაღლესი საგანმანათლებლო დაწესებულება;
- ბ) სტუდენტი – უმაღლესი სასწავლებლის ბაკალავრის საგანმანათლებლო პროგრამის სტუდენტი, რომელსაც ბორჯომის მუნიციპალიტეტის საჯარო სკოლაში უფიქსირდება არანაკლები 9 წელი სწავლება და განცხადების შემოტანის მომენტისთვის არანაკლებ ბოლო ექვსი თვის განმავლობაში რეგისტრირებულია ქალაქ ბორჯომის მუნიციპალიტეტის ტერიტორიაზე;
- გ) წარმატებული სტუდენტი – ბაკალავრის სტუდენტი, რომელსაც სემესტრის განმავლობაში გავლილ ყველა სალექციო კურსში აქვს არანაკლებ 91–100 ქულა (A კატეგორია – ფრიადი);
- დ) ფინანსური დახმარება – ბორჯომის მუნიციპალიტეტის ბიუჯეტით გათვალისწინებული ასიგნებებიდან წარმატებული სტუდენტისთვის სემესტრული და/ან ერთიანი ეროვნული გამოცდების საფუძველზე სახელმწიფო სასწავლო გრანტის მფლობელი ახალგაზრდისათვის ერთჯერადი ფულადი გასაცემელი.

### თავი II

#### ფინანსური დახმარების სამიზნე ჯგუფები და ფინანსური დახმარების ოდენობა

#### მუხლი 3. წარმატებული სტუდენტების ფინანსური დახმარება

1. ფინანსური დახმარება შეიძლება გაიცეს სტუდენტზე, რომელიც აკმაყოფილებს შემდეგ ყველა კრიტერიუმს:
  - ა) არის საქართველოს მოქალაქე;
  - ბ) ბორჯომის მუნიციპალიტეტის საჯარო სკოლაში უფიქსირდება არანაკლებ 9 წელი სწავლება და განცხადების შემოტანის მომენტისთვის მინიმუმ ბოლო ექვსი თვის განმავლობაში რეგისტრირებულია ბორჯომის მუნიციპალიტეტის ტერიტორიაზე;
  - გ) არის ბაკალავრის საგანმანათლებლო პროგრამის სტუდენტი ან ინტეგრირებული საბაკალავრო-სამაგისტრო საგანმანათლებლო პროგრამის I-IV კურსის სტუდენტი;



დ) განცხადების შემოტანის მომენტისათვის ბოლო განვლილი სემესტრის ყველა სალექციო კურსში აქვს არანაკლებ 91 ქულა.

2. ფინანსური დახმარება ერთ წარმატებულ სტუდენტზე სემესტრში შეადგენს 1000 (ერთი ათასი) ლარს.

3. ფინანსური დახმარება გაიცემა იმ პირობებზე, რომელსაც სასწავლო წლის ბოლო სემესტრის ყველა სალექციო კურსში აქვს არანაკლებ 91 ქულა, თუმცა განცხადების შემოტანის მომენტისათვის დასრულებული აქვს ბაკალავრის საფეხური.

**მუხლი 4. ერთიანი ეროვნული გამოცდების საფუძველზე სახელმწიფო სასწავლო გრანტის მფლობელი ახალგაზრდების ფინანსური დახმარება**

ფინანსური დახმარება ერთჯერადად გაიცემა ახალგაზრდაზე, რომელმაც 2025 წლის ერთიან ეროვნულ გამოცდებზე მიიღო სახელმწიფო სასწავლო გრანტი:

ა) 100% გრანტი – 1000 ლარი;

ბ) 70% გრანტი – 700 ლარი;

გ) 50% გრანტი – 500 ლარი.

### თავი III

#### პროგრამის ადმინისტრირება, ანგარიშსწორების წესი და ფინანსური დახმარების მისაღებად წარმოსადგენი დოკუმენტაცია

**მუხლი 5. წარმატებული სტუდენტებისათვის ფინანსური დახმარების გასაცემად წარმოსადგენი დოკუმენტაცია**

1. ფინანსური დახმარების მისაღებად სტუდენტმა უნდა წარმოადგინოს შემდეგი დოკუმენტები:

ა) განცხადება მუნიციპალიტეტის მერის სახელზე;

ბ) პირადობის დამადასტურებელი დოკუმენტის ასლი;

გ) ბორჯომის მუნიციპალიტეტის საჯარო სკოლაში არანაკლებ 9 წელი სწავლების კურსის გავლის დამადასტურებელი დოკუმენტი;

დ) ამონაწერი ბორჯომის მუნიციპალიტეტში რეგისტრაციის შესახებ. იძულებით გადაადგილებული პირის შემთხვევაში: „იძულებით გადაადგილებული პირის – დევნილის მოწმობა“, რომლითაც დასტურდება რეგისტრაცია ბორჯომის მუნიციპალიტეტში;

ე) უმაღლესი საგანმანათლებლო დაწესებულების მიერ გაცემული აკადემიური მოსწრების მაჩვენებელი/ამონაწერი სემესტრში გავლილი საგნებისა და შეფასებების შესახებ (საგამოცდო ფურცელი);

ვ) სტუდენტის პირადი ანგარიში – საბანკო რეკვიზიტები.

**მუხლი 6. ფინანსური დახმარების გაცემა**

1. ფინანსური დახმარება გაიცემა სემესტრულად წარმატებული სტუდენტის მიერ განცხადებისა და შესაბამისი დოკუმენტაციის წარმოდგენის საფუძველზე.

2. განცხადება წარმოდგენილ უნდა იქნეს წარმატებული სემესტრის დასრულების შემდეგ, მომდევნო სემესტრის დასრულებამდე. ვადის დარღვევით წარმოდგენილი განცხადება არ განიხილება.

3. წარმატებულ სტუდენტს ფინანსური დახმარება გადაერიცხება წარმოდგენილ საბანკო ანგარიშზე.

**მუხლი 7. სახელმწიფო სასწავლო გრანტის მფლობელი ახალგაზრდების მიერ ფინანსური დახმარების მისაღებად წარმოსადგენი დოკუმენტაცია**

1. ფინანსური დახმარების მისაღებად წარმოდგენილ უნდა იქნას შემდეგი დოკუმენტაცია:

ა) განცხადება მუნიციპალიტეტის მერის სახელზე, რომელიც უნდა წარმოადგინოს გრანტის



მფლობელმა. არასრულწლოვნის შემთხვევაში განცხადება შესაძლებელია წარმოადგინოს გრანტის მფლობელმა და/ან გრანტის მფლობელის მშობელმა/კანონიერმა წარმომადგენელმა ან მშობლის/კანონიერი წარმომადგენლის მინდობილმა პირმა;

ბ) სახელმწიფო სასწავლო გრანტის მფლობელი ახალგაზრდის პირადობის დამადასტურებელი დოკუმენტის ასლი;

გ) სახელმწიფო სასწავლო გრანტის მოპოვების დამადასტურებელი დოკუმენტი;

დ) სახელმწიფო სასწავლო გრანტის მფლობელი ახალგაზრდის პირადი ანგარიში – საბანკო რეკვიზიტები. არასრულწლოვნის შემთხვევაში მშობლის საბანკო რეკვიზიტები და პირადობის მოწმობის ასლი, არასრულწლოვნის დაბადების მოწმობა. კანონიერი წარმომადგენლის მიერ განცხადების წარმოდგენის შემთხვევაში, განმცხადებლის საბანკო რეკვიზიტები, პირადობის მოწმობის ასლი და კანონიერი წარმომადგენლის უფლებამოსილების დამადასტურებელი დოკუმენტი;

ე) სახელმწიფო სასწავლო გრანტის მფლობელი ახალგაზრდის ბორჯომის მუნიციპალიტეტში განცხადების შემოტანის მომენტისათვის არანაკლებ ბოლო 6 თვის განმავლობაში ბორჯომის მუნიციპალიტეტის ტერიტორიაზე რეგისტრაციის დამადასტურებელი დოკუმენტი. იძულებით გადაადგილებულ პირთა შემთხვევაში: „იძულებით გადაადგილებული პირის – დევნილის მოწმობა“, რომლის თანახმად რეგისტრირებულია ბორჯომის მუნიციპალიტეტში;

ვ) მინდობილობა, საჭიროების შემთხვევაში;

ზ) ბორჯომის მუნიციპალიტეტის საჯარო სკოლაში არანაკლებ 9 წელი სწავლების კურსის გავლის დამადასტურებელი დოკუმენტი.

2. ანაზღაურება მოხდება უნაღდო ანგარიშსწორების ფორმით პირად საბანკო ანგარიშზე.

3. განცხადება წარმოდგენილი უნდა იქნეს ფინანსური დახმარების გაცემის საფუძვლის დადგომის მიმდინარე წელს.

### **მუხლი 8. ფინანსური დახმარების გაცემის ადმინისტრირება**

1. პროგრამის განხორციელებაზე და ადმინისტრირებაზე პასუხისმგებელია ბორჯომის მუნიციპალიტეტის მერიის ადმინისტრაციული სამსახური.

2. ფინანსური დახმარების გაცემა განხორციელდება მუნიციპალიტეტის მერის ინდივიდუალური ადმინისტრაციულ-სამართლებრივი აქტით (ბრძანებით), პროგრამის განხორციელებაზე და ადმინისტრირებაზე პასუხისმგებელი სამსახურის მიერ წარდგენილი მოხსენებითი ბარათისა და ამ წესით განსაზღვრული დოკუმენტაციის საფუძველზე.

### **მუხლი 9. ფინანსური დახმარების გაცემის საგამონაკლისო წესი**

წარმატებული სტუდენტებსა და ერუდირებულ ახალგაზრდებზე ფინანსური დახმარება გაიცემა იმ შემთხვევაშიც, თუკი დადგენილებით განსაზღვრული ფინანსური დახმარების გაცემის საფუძველი დადგა მიმდინარე წელს, ხოლო მერის ინდივიდუალური ადმინისტრაციულ-სამართლებრივი აქტი (ბრძანება) ფინანსური დახმარების გაცემის შესახებ მიღებულია მომდევნო საბიუჯეტო წელს. ამ შემთხვევაში ფინანსური დახმარება გაიცემა მომდევნო წლის ბიუჯეტიდან შესაბამისი ქვეპროგრამის ფარგლებში (არსებობის შემთხვევაში).

